

NARODNI POMORSKI NAZIVI U HVARSKOJ OPĆINI

Sakupio i u govoru sela Brusja napisao g. 1950.

*don Juraj Dulčić, kapt. prepošt**

I. SREDSTVO PLOVIDBE — BROD

1. Vrste brodova

Sve vorsti splovih, ča su naši stori zvoli *drīvo* (nojpri po talijonsken: legno), zovu se jednin imenon *brōd*. Ako je moli, onda *brodić*, a ako je štramengo velik, onda *brodušina*. Svako pok vorst imo svoje ime, kako čemo odma vidit. Nojmanjo je vorst, mislin, *gūndula* oli *cátara* s rovin odnon. Isto tako *patâna*. Onda bi doša kako parvi provi brod: *kajlć*, ako mu je posičena karma, ča reču mornori, da imo »*pùpu kvôdrú*; a ako imo áštu na *karml*, kako i na *prôvi*, onda se zove *gùc*. Zatin dohodi *gajèta*, ako imo jedon *škàf*, a ako dvo škáfa, onda je *levùt*.

Kod ribonjo s velikin mrižima, navlastito, kad se meće trata, nojveći se brod sa dvo škafa zove *levùt*, a sridnji: *gajèta* s jednin *škáfon* (a puno putih su i dvi gajete); na kojoj su *svičór* i *šijávac* — zove se *svičarica* ili *lója* (u Varbojskoj — *lójda*); a nojmanjo gajeta, u kojoj je *barkarjúl* ili *barkir*, zove se *bôrka* ili *barkarica*.

U nos se ne reče čamac.

Od *brodih na jídra*, kako bismo rekli: *jídrlilic*, od molih do sridnjih, a do bota i do velih, toliko je baštordih navlastito iza kako su došli motori da njin ní lako odredit ime ni kojen rongu pripadoju. A od *jídrlilic* oli *brodih na jidra* po storen i stanoviten kalupu, prez riborskikh brodih i prez jahtih i koterih za luš, ako čemo počet od manjih *za kôrge* — nojpri je: *štëla* s visokon *lantînon* i, to se zno, s jednin dugin *flôkon*. Onda dohodi *kôter* s oštron provon; onda *bracêra* s jednin *jídron* i s jednin *flôkon*; zatin *brigantín* s oštron prôvon i s jednin ili s veće flökih i s pùpon *kvôdron*; sad dohodi *trobákul* s jednin, a digod sa veće flokih i sa dvo jidra, kojo stoju priko ôrbura (u zodnje vrime niki iznôse su somo do ôrbura); onda dohodi *lôger* su dvo lišo ôrbura, a ako su tri ili četiri ôrbura, onda se brod zove *palabðt*. Ova dvo zodnjo užaju imat po veće flökih.

Tragët je brod koji je po manjih mistih redovito nosi stvori i jude, a i poštu. A to je bilo prî vaporih (a i kašnje malo).

Ako ostavimo na bondu *vapôre*, *kavafônge*, *maône*, *cistérne*, *remurcadûrë*, *kôće*, *divêrše motorë* i tako daje, pok još i store *lagêne*, *penîce*, onda mletuške

galije i füste, spomenut éemo vele brode na križë. Nojpri je škùner oli golèta s oštron prôvon i s pupon kvodron i sa dvo jidra, od kojih je parvi: gore križ a ispod njega rônda (jidro), a drugi lišo. Flokih imo veće. Ako je ovakov brod sa dvo ôrbura i to parvi s križima a drugi s rôndon, onda se zove škûna. Iza tega dohodi brîk, koji imo dvo orbura s križima oba. Onda bârk-bêštija koji imo tri orbura, parvi na križë, drugi i treći na rôndu i kontra-rôndu. Bârk imo tri orbura, od kojih dvo na križë, a treći s rôndon i kontra-rôndon. Napokon nâva kojo imo tri, četiri i pet orburih, od kojih su tri na križë, a drugi lišo.

Izmeju križih dvignu se rônde i šovrarônde, a i s bonde broda nad more se pružu jidra zvona: škovamâre. Bûnje su škote na križima. Duple su. Bráci su konopî, koji odozdola skûpjaju jidra na križih, a revêrsi ih smotáju uz penûnë.

Ča se tiče brodih od gvere, prî su ih zvoli fregôde, karocôde, inkročjadûri, fundatûrî koji su bili svi na jidra, a kašne na tâmbure. A sad se zovu karocôde, torpedinjere, drenûti, minonôsci, podmôrnice i tako daje.

2. Gradnja broda

Brod se grodi na škvêrû, a grodi ga brodór oliti von kalafôt i njegovi garzûnî. (U nos se kalafot zove i brodor, a oni koji navigo na brodima je mornór, a ne brodór!)

Orudje, kojin se brodór služi pri lavâru od brôdih, nojparvo misto imo têslica, têsla ili cêser, sikîra, šêga ili pîlâ, plánja, mlôt i mlačić i klišćâ. Ne manje vidiš svôrdle od nojmanjega do nojvećega. Svôrdli su od tri vorsti: amerikônski patênt, arbanâški patênt, naš domóci patênt. Strûg je svakako potribit za planjónje dasók. Dlità oli lità za kalafatónje, a to će reć za zatukovônje stûpe u komišûre od madîrih i tako daje — na ostarju mogu imat jedon rîz, a mogu ih imat i vajo da imaju dvo, tri, četiri, pet i šest rîzih. Potribita je donkle i stûpa, a i vûna, onda režna i kalifônja. Onda dohodi ù toj macôla i vijôla, borêl od mákine i klônfe, a do potribe sve orudje ča užaju duperât marangûnî. U novo se doba duperaju alôti na strûjû.

Ní potriba govorit obo drivu, čovlima i éodînima svake vorsti.

Za piturónje broda pitûron, katrámon i blákon hoće se pinêl, a za mošćenje broda páklon dupero se skûbal. (Skubal je na šcopu namotona vuna, kojo je onda kako veliki pinel.) Potribiti su i vôži za môst i pitûru i za teplénje pákla.

Za grodjenje velih brodih, ako nisu od gvozda, dupero se hrastovîna, a za mole brode iz naših krajih nojveće borovîna.

Vajo u to pazit na pojedini dil od broda. Tako za bonde od velih brodih vazimje se pinjovîna oliti von borovina, a za mole brode od športa duperô se tuje drîvo: tîk, mahagôni, pûpoj, silversprûs i tako daje, a za drête kûse duperô se i áriž (jer se on ne savijë). Za obišne brode i to za unutrašnje kûse (recmo: za rebrâ i drugo) služi dobro i smôkva, kostûja, osobito mûrva, brîst i česmîna.

Za madîrë vazimje se kako i za bonde.

Za kuvertu se vazimje pinovîna (borovîna); kod manjih brodih smrîka; a kod brôdih od špôrta (od lûša) dupero se furêšti materijól, kako smo vidili.

Čōvli i vîde, rebatîne (zokòvice) i svi artîkuli od metôlù, ako se duperaju, imaju bit pozìngovoni, ako nisu od latûnàoli od râma.

Kad se grôdi novi brôd, tote se trajto obo interesu i obo obrazu, zato se lavurô sa svon pomnjon. Nojveće okolo tega, razumi se, nostoji prôto. On svakomu razdili posol i pazi na svalkega garzûnâ i na njegov lavûr. A svaki jepet garzun nostoji da bude pôfolan, a ne obrûžen, i da se on bude sôm nazîrât na svoj lavur i s njim se dičit. Zato, kako u mravišcu, svak nostoji ko će boje: niki pilô (šegô), niki mîri kûse, niki rašpô niki stargô, niki vartî vijôlon, niki pribijè čôvle, niki svôrdlon rápe čini; jedon tûčë mlôton, drugi pribijè rebatîne, treći slôgo kûse i tako redon. A kâd se slôži brôd, onda niki rašpô, glâdi i lišô, niki kalafatôjê, niki piturôjê, pegulô i katramô, niki dlîtôn rîže i kopô. Malo se ode sîčë, ma ča se sîčë i lavurô sikîron i cêseron, te se sve reče da se dôlo.

Retâji ovih lavurih zovu se strugôtine, šegadûra, trišće i trišćice, a od planjónjo — lumbêl.

Za poridnuće broda u more potribuju vêže, krîki (vînći), pôluge koje vajo dobro nalojît. (Poznota je ona rič Salamunove sestre: Fala Bogu i loju!) Za istegnuće hoćedu se argôni, bucëli i tája i, bome, čovičjo snoga.

3. Dijelovi broda i što je na brodu

Brod je kako jedno veliko, od driva učinjeno korîto, kako ga i zovu (veli su brodi od gvozda), a to korito na jednen i drugen kraju svaršije s punton. Parvo se punta zove prôva, a zodnjo karmâ. Brod je ugrôđen od dasók i od gredîc, a na dnu ili odnu izvonka imo osnovnu gredu kojo se zove kolûmba. Ova kolumba na provi i na karmi uzgor je iskrivjena, i ti se onda uzdvignuti dil u svojen zôvđju zove karôc, a zodnji uspovni dil zove se ášta. (U Brusju i Komiži vorh od ašte, kojo se povar korita dviže, zovu karôc, i ti karoc od prove na većin brodim, kako na braceri i trobakulu, imo darvenu berîtu.) Uz aštu od prove namišćen je nad moren penuncân za flok, a uz aštu od karme pridijen je máškulima timûn. Ispod timûnâ su jêlice od motôrâ, koji je u karmi od broda, ma to ní na svaken brôdu. Iznutra od ašte je kontraášta, zvona trihâja, kako na provi tako i na karmi. Onda od prove do karme nanizoni su u širinu broda po svoj kolumbi kusi na fožu izvornute polkove, uzgor nogami, i to se zovu rebrâ ili kôrbe. Te korbe na dnu se zovu lukôče, a s jedne i druge bonde lukoče uzgor — zovu se cápuli. Rebra na karmi i provi drugačije izgledaju i imaju posebno imena: ča je posrid broda lukoča, to je ovde kalðta, a ča su po bondima broda (di je korito široko) cápuli, to je ovde imbuškamènat. Ma sve ovo s drugim lukôčima i cápulima čini zajedno rebrâoli von kôrbe. Priko svih rêbor od karmé do prôve pričavlaju se dáske koje se zovu madîrî, a glovë in se prigvozdû, jedna uz aštu od prove a drugo uz aštu od karmé ili boje rečeno uz kontraášte. Povar kolumbe je iznutra i kontrakolûmba, a ne dalekô od te kontrakolumbe pri bondoh broda, uzduž priko spôja od lukôčih i cápulih od prove do karme pričavlône su dvi daske (jedna s jedne a drugo s druge bonde), koje se zovu tercarîje. Od njih do kontrakolumbe, koja se zove permezál, tremezál i tramezál, postavjene su daske, zvone pajôli, a ispod pajolih je šupjina, koja se zove santîna. Povar parvih pajolih nahodu se i drugi pajolii

koji počijū na *balaštrîni* s jedne i druge bonde broda. Prikо broda su jedna ili dvi grede, koje se zovu *katîne* ili *katinèle* ili *bônci*. (Niki i parvu gredu u škafu, ča je prima stivi i na njoj škaf počije, zovu *katîna*, a niki je zovu *trástan*, po čemu se onda i veslo tote namišćeno tako zove.) Na kajićima je iznufra karme namišćeno ništo dasok za sidjenje, zovu se *sidita*.

Rekli smo da korito od broda s jedne i druge bonde povar rebor zatvoraču *madîrî*. Fermojmo se čas na njima! *Parvi madîr* oli *pôs odozgora* — zove se *cênta*. A na centi s dolnje bonde, izvonka, za ures je učinjen *kordún* ili *filêt*. Parvi madir dole uz kolumbu zove se *picún*, a drugi povar njega *višepicún*, treći pok *bracôla*. Svi drugi imaju svoj broj.

Ovako стоји створ с коритон од брода. Ма корито riborskega брода покрivenо је с једнинили са дво *škâfa* (једон је тад на прови а други на карми). Шкafi zajedно чину *kuvêrtu*, а *pút* од једнега шкафа до друgega povar rebor i madirih zove se *koridûr*. А ti škafi поčivaju на gredoh, nazvonih *lâté*. Parvo lata ispod škafa прîma stîvi rekli smo da se zove *katîna* којо уз једну glovu i drugu имо *bracûlë*. Škaf je učinjen od dasók (madírih), a kut mu se уз контрааštu zove *zôja* или *lástovica*. (More bit da se zove »lastovica«, jer sliči kutu од зида у вар куће, који се зове lastovica.) Uz lastovicu је на škafu *otvôr*, zvon *purtêla*, којо имо *pokrôv*, који је krivo nazvon исто — purtela. Škaf имо око себе darveni okvir од dvi grede i to se zove zajedno *rázma*. A ako je то razma izvonka pokrivena tonkon даšćicon, ta se zove *kuvertêla*, *fodrîna* или *fodrûn*. A ako је на razmi izvonka pokrivena borke kakova darveno ðgradica, zove se *paramâr*, a ogradica на kraju škafa prima stivi zove se travêrs.

U borci moli škafić na karmi zove se *karmîca* ili *pôlmica*.

Komižani, koji gredu на daleko loviti, šeak на Palagrûžu, да имају obranu proti moru, učinú od *fôlkih mórtvu bôndu* за своје borke i po temu in se brodi zovu *falkûše*.

Po kruni ili rubu од корита, који је на škafu pokriven razmom, а по sridi брода kuvertelon, ча се зове koridur, udiveni su *mônkuli*, *pôlci*, *furkòči* или *frukòči*, *sôha* и *parôda*. Grêdu pok, којо је по karmi pružena s obe glove vonka брода nad moren i имо *ležđ* i *škáram* за vozenje, zovu *jôrôm*. (U Brusju i Komiži zovu бiju sa dvo ili tri rogôjka *sôha* ili *furkôč*, *frukôč*, a glovu од grede pruženu по karmi vonka брода zovu *parôda*, dočin u Foru то zovu — mislin: krivo — *sôha*.)

Na броду су i *veslâ* за *vozénje*. Molo vesla на kajjću i gûcu zovu se *parîč*. На оvin бродићима nahodu se darvene *blazinje*, које се зову *škalamare*, a krolki *šcaplîc* u to udiven за vozenje zove se *škáram*. Uz ti se škaram прiveže *parîć* konopčićem, који се зове *štrop*, i tako se vozi. (Kad se ništo ovamo i onamo razdili, da ništa ne ostane, reče se: Ča u štropе ča u škorme sve je išlo!)

Sad kad smo na *veslîma* od бôrke i levûta, red je napomenut да svako veslo имо своје име или се зове imenon položaja на којему је. Nojparvo је 1. *veslô od karmé*, onda 2. *veslô prid karmón*, 3. *trástan* (srida od брода i parvo katina од стive se зове *trástan*), 4. *fogún*, 5. *veslô od škafa*. На levetu je 1. *veslô nà rog*, 2. *špôda*, 3. *karmâ*, 4. *veslô pri karmî*, 5. *fogún*, 6. *puntála gôrnjo* i 7. *puntála dôlnjo*.

Још о veslu vajo reć kako se dili i kako se svaki dil zove. A to је ovako: *rucéj*, *bracûl*, *zirûn* i *pôlô* (niko ne zno kako se зове vorh od polé). Niki dilu

veslo ovako i zovu: *rucéj*, *vлага* — ako je okruglo, a *zirún* — ako je na četiri ugla, onda štrđp i pōlū.

Spomenut čemo i *timún* koji se maškulima obisi obo aštu od karme. *Timún* imo *vrōt*, ná koji se nadije *argütla gōlon*. (*Gōla* se zove rapa na argutli.) Srida se argutle zove *zirún*, a kroj, koji se rukón darži, *rucéj*.

Na levetu i to pri aštu od prove privežen je za uspinjenje na brod kus driva koji se zove *capapije*.

Posrid broda uz parvi škäf usođen je u jednu rapu na dnu òrbur, a na škáfu, di se orbur naslónjo, inkavon je jedon polukrug u koji orbur zasède, i još ga se gvožđen ili konoplma priveže. To polukružna *udùbina* zove se *gōla*.

Na orbur se *dviže* ili *išōjē jidro konopōn*, koji se zove *gindäc* ili *mánat*. (Drugi padež od riči »mánat« je »mōnta«, zato se i konopčić na floku zove *montič* i dohodi od te iste riči »mánat«.) Konop kojin se privežije *lantīna* od jidra uz orbur zove se *trōca*. Konopi koji vežiju vorh od orbura i to od *papafiga* do korita i koji na većin brodima imaju trše za penjat se na orbur, zovu *sōrtije*. Napokon konopčić koji je od vorha lantine do karme i koji regulo jidro i lantinu zove se *słštica* ili *šlšta*.

Hoćemo li govorit o jidrima, počet čemo od prove. Na prôvi je uz somu aštu *kolčić* koji se zove *baštuncīn*, a prido nje se privežije flök, jedon ili veće od njih. Flök je pok svaki skrojen na trokut; imo na krajima *refōrce* (gornji se refōrc zove *variјa*). Konopčić na floku koji ga svežije s vorhon od orbura zove se *montič*; drugi konopčić koji ga svežije s ašton zove se *gáša*; a konopčić koji ga svežije sa škáfon zove se *škđta*.

Jidro su dvi vorsti: na tri kantuna je *jidro pěna*, a na četiri kantuna *jidro trēvo* ili *trēva*. Jidro pena priveženo je gore na lantinu kojoj se dolnjo glova zove *máca*, i prez dolnjega penuna je; dočin trêva imo na dolnjen kraju *penún* koji je privežen uz *jidro marafúnima*. Ako trefi da jidro trevo nimo dole penuna, zove se *mîstika*, a *tarcarûl* ili *tarcalûl* su knopčići s jedne i druge bonde jidra i služu za smanjenje jidra za velika vitra. I jidro imo po kutima *refōrce*, koji se na vorhu jidra, a i floka, zovu *variјe*. Varije se zovu na jidru trêva gornji i doljni *refōrc* iznose. Okolo svega jidra, za čvarstoću jidra, tvordo je prišiven jedon konop koji se zove *grafīv*. Na kutu od prove pri *máci od lantīne* jedon je konopčić do ašte od prove koji se zove *davōnt*, a drugi od iste máce do orbura koji se zove *podòrbur*, a na kraju od karme je konop koji je zadiven izvonka broda za jednu *kjûku*, kojo se zove *kastanjôla* ili *kûka*. Ti konop zove se *škđta*.

Jidro — kako i flok — sašiveno je od veće *fîros* (*fîrsih*), a zodnji mu se dil, ča *hlámo na vitru*, zove *ventôm*.

Za šuštu oli šušticu smo rekli malo pri, ča je i žoč služi.

Za osiguronje broda u portu od gruba vrimena kod velikih brodih je sidro zvono *ònkar* s dvi *lopáte* i s *križén*, a kod molih brodih je *sídro* kojemu se šćop zove *fûž*, a na četiri grone (koje u stupu svežije *vêra*) četiri su *lopáttice*, ča se zovu *máre*; dočin se vitica na vorhu šćopa zove *anêl* ili *prêjica*, kojo služi za privezonje *surgadîne* kad se brod *armižôjë*.

Misto sidra, za manje potribe, priveže se *arganêl* (tanji konop) za kamik, koji imo rapu na sebi, i surgo ga se kako sidro bilo za daržonje broda bilo za daržonje *mrîž*. Ti kamik se zove *mážor*. (Mažor je kamik koji imo na sebi rápu i u tu rapu udiju mladići kitu cvičo i stovjaju to na ponistru oli na

kuću divnjami na osvīt parvega maža, pok zovu tu kitu mōž a kamik tako rapjev zovu mázor, a po temu i ovi riborski kámik isto zovu mázor, sa svin da nimo nikakova poslā s mážen misecon.)

Na brodu su *alōti* (osi napomenutih): *barlci* s *kalūmon*, *mólo svičálo* za »pod sviču«, *tráina*, *fružôda*, *mulinèli*, *ôrkul*, *šácac*, *motovílo*, *kolóč*, *kanjčenica*, *ùdice*, *pjuskálo*, *sinjól*, *bucél* i *täja*, *krôk*, *škandôj*, *jôgle*, *kônce* i *brîtvica*, *pôbuk*, *parangól* i *šemet*.

Za svičaricu hoće se *svičálo* koje se *nasódi* na *svičôlnicu*, priveženu uz aštu od prove konopčićen koji se zove *vènat*.

Kad se vozi u kajicu na karmi jednin veslon, to se reče *vozít na gunduljeru* ili *vozít na šija-vôga*. Kad se obično vozi, reče se: *Vòz, vòste, a: zavèz, zavèste. Šija! Vôga! Šija karmù! Vôga prôva!*.

Ne reče se mašina, nego *mákina*.

II. PLOVIDBA

Pri veživônju broda reče se: *véž brod, câpa címu, véž címu za kolônu*, za *prêjicu*, za *anêl*, za *krôj*, za *prêzu*. A za odveživônje reče se: *lîga-dežlîga, odrîš tu címu, môla tu címu, sâlpa címu, odrîš po karmì*.

Konop kojín se brod uz kroj *armižôjë*, jedon je po *karmì* (baš s protivne bonde od sîdra i surgadîne) koji se zove *burdîž* ili *purdîž*, a kojin se *vežijë prôva* zove se *barbîta*. Za konôp od sîdra rekli smo da se zove *surgadîna*, jer se s njim *surgôjë* sîdro za *armižónje*.

Krôj od svakega konopa zove se *címa*, a digod je pod imenom *címa* vas konop. Tako pri *potezônju* tráte zove se címom vas konop kojin se mriža s jedne i druge bonde *potéze*.

Konopi su na brodu, prez *surgadîne*: *ûze*, *barbîte*, *purdîzi*, i njih smo već napomenuli; onda: *lancône*, *gùmine*, *lîcmîne*, *arganèli*; onda za *jidra*: *gindâc* ili *mánat*, *trôca*, *škôta*, *davônt*, *podôrbur*, *gáša*, *sôrtije* i *montlîc*; onda za povežônje: *gratîv*, *tarcarûlì* ili *tarcalûnì* i *marafûnì*. Imo i *garlîn* i *merlîn* i drugi.

Brod se *armižjë* kad imo poć na put oli na ribe. (Kad niko pëško u poslu, reče se: Pri bi se galija ôrmola. A ima i: Galija ne čeko jednega.)

Brod se *armižôjë* oli se *stovjo u armîž*. Tad se *ankorô*, a to će reć *surgô sidro* na komondu: *sûrga*. A kad se dviže ônkara ili sîdro, govori se: *sâlpa ônkaru, sâlpa sîdro*. Onda se priveže uz kroj *purdîzon*, a u zodnju po provi *barbiton*. (U narodu je šaljivo *govorójka*: Arláj-batarláj, vazmî barbitu i skoč na kroj.) Kad priti *grúbo vrîme*, onda se brod *razveže iz bonde u bondu debelin lancônimâ* i drugin debelin konopima.

U *nevêri* kad ne vridu ni vesla ni jidra, *brod se stavi na sîdro: surgô se sîdro na dnô*, ako je plilko, ili ga se na debelen moru pusti za sobon — i to mu je onda i sîdro i timún.

Zapovid za odtisnuće broda od kraja je ovo: *odriš címu, môla konôp, skup konop, bûta címu ù more — oli nà brod, sâlpa sidro, smotoj surgadinu, dućôj, izdućôj i pridućôj* surgadinu. (*Dućât konôp* bilo koje vorsti, a onda izdućât i pridućât konop hoće reć skupit ga, smotat ga kako kolač — i to vajo učinit od live na desnu, kako sunce gre, jer se inakije *izverunô*.)

Kad je veliko sunce, a i somo vrućina, onda se brod štrápje tukuć po moru veslōn ili kojon daskon ili se polijě moren, koje se grabi bujolōn, a obavije se brod i mokrin parašolima.

Kad brod púšco vodu ili se napuni vodé, onda ga se šekō i ošekō, a voda se iz njega išekō.

Kad je brod špōrak iznutra, onda ga se fregō i pere, a šporko se voda išekō. A kad je već malo, onda se grabi šešulon i spūgon ili se púšco kruz rāpu, ča je kraj kolūmbe, a na kojoj je čep. Izvonka se čisti brod, kad ga popáde trōvā ili kojo drugo sátvor, bruškīnōn ili nikon oštron i guston trovон u busu, kojo se — ako se ne varon — zove peróč.

Digod je potriba čagod i ostargāt, a svakako vajo digod brodu dat ogōnj, kad ga se imo katramāt ili opaklīt (pegulāt) — a pri tega stūpon kalafatāt.

Strone su svita, kako i indi u našen harvonsken narodu: istōk, zōpōd, siver ili būra, jūgo. A vitri se ovi spominju (pren da govoru, da ih je tristidvo po broju): levánat i gregolevánat (levantōra, levantīc, levantīn), jūgo (jūgovina, južin), östro (i östrijōda), lebić (i lebićōda), garbīn (garbinōda, garbinjáčina), pulenat (i pulentōda), maještról (majštralún, majštralīc), maestro-tarmuntōna, tarmuntōna (i gregotarmuntōna, tarmuntanēž), napokón būra (burin, būrica, burinēt, koji se liti — ili misto njega levantīn — izminjuje s maještrōlōn do bota svaki don).

Kad je vrime mutno, reče se da je ingarbujōno vrīme ili árija, ili kūlaf da je ingarbujōn. Lampō na būra; išla je nevēra (öblok, vitar) nà goru. Kad je nebo od sniga, reče se: ovo je snīgovina.

Reče se i za vitar: vitar je návonka, vitar je od krája, priko škđja. Reče se: zabilila je gorà; obúka se je kūlaf; u dnu je polsičeno; čarō odozdóla; grūbo je dôle; sve je obučenō; sve je zadúšeno; nevēra je parćōna; tarmuntōna — būra parćōna; friško būra; friški maještról; friško jūgo. (Bura je u nos ne svaki joki vitar, nego somo oni ča puše od sivera.)

Kad je lipo vrime, reče se da je tišinà, da je bonáca, bonáca kako ūje, mîrno kako ūje, ili je koji rēful. A kad je rúzno vrīme, reče se da je fortūna, nèvrime, bòzje vrīme, uragōn ili ragōn, šijún, pijávica, pijáviciна, nevēra, öbis. Parí da će nèbo nà zemju păst; da će se sve šubišat. Tad pīnu bòte i bíli se mōre; tad štrápje slōp na visoko i daleko, a špalmēji letu kako veliki lancūnì nad bòtimna bísna mōra. Osobito kad se razmōše būra oli jūgo. Posli nevēre čuje se bucōnje. Bude visòko mōre, mòrtvo mōre ili marèta, i šćiga. (U Foru — i to u portu — je šćák i Šćigov bôk.)

I za strūjùoli kurènat se reče da je kurènat odozgóra, kurènat odozdóla, da je gôrnjo vodâ, dôlnjo vodâ.

U nos su bòte, bòtice, a ne reče se »val«.

Brod se na moru zíbje, vójo, lelùjo.

Reče se: plîma i ðseka; vëliko je plîma oli abûnda; vëliko je ðseka. A reče se i: visokò je mōre; báso je mōre; oséklo ili osekñulo je mōre.

O baratonju s jidron reče se: dvîgnut, išät jidro; mainât, kalât, molât jidro; mâina, môla, kâla jidro! Ma molât se duperô nojveće za konope: môla škđtu; môla málo davônt; môla gindâc. Obo jidru se reče: zavît, smotât, razmotât jidro; skrôtît jidro, podvêzât tarcarûlè i parafunè; čapât rûku dvi tarcarúlih; primût, prihîtit, privârć priko jidra.

Kad brod *dobro gré*, reče se da *šiko*, da *razgárce mōre*. A kad ni vitra, reče se da *martvóri*, da *plúto po mōrù*.

Jidri se u karmù, u pôl karmé, a kad je vitar u provu, onda se *burdižô*. Kad se gre uz vîtar, vajo *orcât*; reče se: *ðrca. Gre se na orcu*. Za niz vitar reče se: *pôja*. Donkle, *orcât i pojât*: uz vitar i niz vitar. *Pôja ala tûrka* — to ée reć: okrenut se niz vitar; a to je perikulôzo za izvornut se kako ništa.

Kad se s brodon dojde u pôrat, reče se da se je *ariválo, dôšlo, pojálo, kuštálo, tresálo* oli se *išlo u pojôdu*; onda se *surgálo komondon: sârga, hît sôdro, värv sôdro*. I onda: *čapáli smo se krája, tukáli smo krôj*.

U nos se sad govorи: *pôrat*, ma se je pri siguro govorilo: *lükâ* — po stanovitin imenima ča su još ostali: *Krížno lükâ, Lučica*. U portu se nahodi *mul, mulič i mandràc*. Nojde se: *bôva, lantérna, feról ili felór, kolôna* — kako *sinjoli* i za siguritod.

III. OSOBLJE NA BRODU

Na ribarsken brodu je družina, kako slidi: oni čihov je brod i mriže, zove se *gospodór*, a od družine je nojparvi *svičór*, pok za njin *šijávac*, jer i on vajo da je puno pratik; onda *barkír ili barkarjûl*, koji stoji na *sinjôlù sake* (od tráte) i s njon upròvjo; *parún* je oni ča upròvjo cilon mrižon i družinon, a uzo nje je *naukír*, koji se iskarcô na kroj, kad i *parvo* — a to je polovica družine — i koji pazi da se *tráta redovito potéže* i da dí ne *zadije uz krôj*.

Na molin *brodima od korga* oni koji je gospodor od broda zove se *principól*, a koji uprovjo brodon — *komandônt ili kapítôn*, a drugi su — *mornôr*. (*Brodór* u nos hoće reć: oni koji *gródi brôde*.)

Na većin *brodima* judi od broda ili *kipôj* su ovi: *kapítôn parvi, drugi, treći*. Prî se je *pomočník kapítôna* zvo *škrivôn*. Onda je *makinista*, pok *noštrômo*, onda *dispensír, timunjér, fugista*, onda *kôgo, kamarjér i napokon móli od fogûnâ i moli od kuvêrte*.

Posol judih na brodu se razumî po imenu, osin noštrôma. On uprovjo *družinon i rôbon* ča se *ukarcôjë* i *iskarcôjë*.

Za ukarcovônje i iskarcovônje rôbe dvignut je koso na brodu i more se okrećat — *penún* koji se zove *bûn*. S njegova vorha visi gvozdeni konop koji se zove *mánat*, a dole na kraju imo *gánjač* koji grabi robu. Pri ukarcovônju zapovido se: *vîra, mâina, mâina bel bela*. Pri iskarcovonju više se: *tîra, tôrna ili mónta*.

Targovaška roba se *karcô i slôgo*. Nad tin poglaviti *nôzðr* imo *noštrômo*, ma kako se za svaku robu imo svoj magazin, tako se za svaki magazin imo svoj čovik koji primo robu i zo nje je odgovoran.

IV. RIBANJE I RIBARSKE SPRAVE

1. Priprava za ribanje

Kad je govor obo ribonju i riborskin *ardenjima*, nojpri je dílo govorit o mriži, poglaviten *alotù* za lovjenje ribe oli za *ribonje*. Mriža se u svoj svojoj dužini priveže gore pri *arganèl* koji se zove *prítanj*. Na njemu su nataknuta *putà*, kako i na podonku — *olovà*. To mriža se privéže uz *putà*, a tako i na podonku uz olovà debjin *tračćima*, koji se zajedno zovu *ôrma* ili *armadûra* (zato se i reče da vajo mrižu *ôrmot*). *Armadûra* se ne vežije pri *môhù* (to je provo mriža, kojo je pletenà po *murelu*, *kalupu*, a pletenjen se činu *okà* — ne *oči* — kojo se sva zajedno zovu *tèg*). Izmeju *armadûre* i *mohé* je *podplît*. (To su dvo tri reda *okòv*, od debjega *kônca*.) Tunja ča se prišijè uz jednu i drugu bondu mriže ne u dajini, nego širini — od vorha do dna — zove se *stróžica*. *Konđp* (*arganèl*) kojin se mriža (recmo: *budèli*) privežijè uz kroj, zove se *kavèc*. Digod se, kad je veliki *kurènat* na vonsken dilu *budèlih*, priveže na ten kraju *arganèl*, a na kroj se tega arganelia priveže *mážor* i surgò na dnò da mrižu darži šoldo na mistu, a da je *kurènat* ne zanesë. Da mriža ne potáne, kad je u moru, pod težinom *olov*, gore se na *prítanj* priveže nikoliko *bariloc* (*barîlcih*) konopčićima koji se zovu *kalùma*.

Za lov ribe reče se: *gren ná more, na rîbe* (ne: na ribu), *na srîcu bôžju*. Osobito se polakomu judi kad vidu na *škorúpù od mora bôrè*, di *riba igro* ili skáče iz mora. Posebno govoru da gredu *na sardèle, na kónjce, na hobòtnice*. Ode se reče i: *gren odmetot na hobòtnice* — a to *motón*. Môtâ se odmeće iz kraja, a ne iz broda. Reče se i: *gren na parangól, na odmèt, na pánulu*.

Mriže se duperaju prima ribi i prima požicjuni i vrimenu. U drugim krajima imaju ribori *ciplôre* i *tunjôre*. U nos tega nî. Nismo imali ni *kôče*, a sad ih imomo ništo.

U nos su ove mriže i sprave za ribonje:

1. Vele mriže su: *litnjo tráta* (*poteğáča*) i *plîvarica*, onda *zímsko tráta, mîgavica, gîrarica, strašín i kogój*, napokon *kôća* i *peškafôndo*, a u niko doba bila je i *dupinôra*.

2. Manje mriže ili *mrižice*: *popôvnice* (*popùnice*), *tonotâ* za jastoge i za *divjù rîbu*, zatin *palandôra*, *salpôra*, *zubacôra*, *jagličôra*, *bukvôra*, *ušatôra*, *gîrôra*, *gavunôra* ili *gaunôra*, *šábaka*, *orćós* i napokon *budèli*, kojima lov u *špurtélnjače*. Za *bûkvê, gîre* i *šnjürê* mriže se zovu jednim imenom: *prostîce*; proste su, a nisu duple ni triple kako *popôvnice* koje imaju izvonka dvi mriže s velikim okima, a unutra obilatu *môhù* u koju se riba zapletë. Još je jedna mriža za lov od skûših i lokôrdih, a zove se *slípo ðko*.

3. Sprave s udicima su: *parangól* ili *palangór*, *kanjčenica* ili *kančenica*, *striûcavica* (za lignje), *ûdica na tûnji*, *ûdica na tûnji i rûzgî* ili na *brankareli*, *udica na odmèt*. Ovamo se more dodat i *panula* (jedna je za zubace, a drugo za ušate) i *môtâ* za hobotnice.

4. Druge sprave: *vôrše*. Imo ih četiri vorsti: *vôrše za jastoge*, *vôrše bačvôre*, *vôrše za čarnjéjè*, *vôrše od pôrta*. Ove zodnje su obično od gvozdene žice. *Kôrap* od *vôrše* zove se *tâp*, a *livak*, da ovako rečen, kruz koji riba introje u voršu, zove se *voršac*.

5. Orudje ili boje: oružje za lov su đsti na kopîšću. U niko doba kad su se lovili dupini, bila je i *dupinôra*, kako jedna gvozdeno sulica kojo je imala dvo hrelâ, ča bi se pri udorcu rastvorili i zabili pod kožu dupinu.

6. Za lov i za brod potribito je i ovo: *konopl*, *tûnja*, *škandôj*, *mulinêl*, *motovilo*, *pôbuk*. (Pobuk je kako fes nataknut na šcop, a oni ča je kako darveno ploča — zabronjen je i zove se *rôkđ*.) Onda bili áloj za strašn, *jôgle móle i vèle i brîtvica*. Hoće se i *jěška*. Hoće se i *barlîac*, *bujôl*, *bruškîn*, *metlica*, *spûga*, *šèšula*, *rôg* oli spûž za trubjénje, *rogčic* za ūje, *spártica*, *kôfa* za *parangol*. (*Parangol* imo glovni konop — mäištru o kojem visu nanizoni tračići — svaki s udicon; ti se tračići zove *pîčák*; kad se parangol hiti u more, stavi mu se *sinjól* da ga se more noć.) Onda se hoće frukôde i kôlci za prostîronje *mriž*; onda kolôc i šemet. (Šemet je darveno barkjáča kojon se isteže iz mora parangol ili mriža kad zadije na dno. Tad se šemutô tamo i ovamo sa šemeton po dnu.) Potribita je i *macavarîja*, a to je darveno *duplo maca* za tučenje kôrke ili *rûjâ*. A hoće se dopokon i *vârč*, *žbánja*, *lopîža*, *pjât*, *rôžônj* i *parašôl*.

Nočin lovjenjo ribe imo i: *pod sviću* (*svîtît*) oli *pod osti*, *na fružôdu*, *na bucônje* (*bucât* *pôbukon*, *pobucovât*), *na strâšilo* i *na môtü*. I *na trámatu*: gre se *tramatât*. Trámata je lov zaokruženjen ribe u vali, a tiro se je u mrižu kusima bílega driva ili bílega áloja koji su nanizoni na arganele; arganelon se trese ovamo onamo i riba od stroha leti u mrižu; to se zove *tramatonje* — aloton koji se zove *trámata*. Ako se takovo tramatonje ne čini u vali nego se zaokružuje i straši riba povar brôkâ, tad se zove *zôgrâja* (gramatički: »zagradâ«). Lovi se i *na zôpâš* i to tako da se u vali, di je riba, hiti mriža od jednega do drugega kraja. Tad se *pôbukon* búco po moru, a pristrašena riba biži i *inčitô* u mrižu. Na poseban se nočin lovi mrižon *poklôpnicon*. To je vorst mriže kojon se lovnu *trôgji* ili *mènule*, a duperaju je ribori iz Zaraéa. Imo svoj *murêl* koji odgovoro debjini tragja. *Môhâ* se te mriže rastere na okvir učinjen baren od četiri kolca, na kojima su misto olova obišeni kamenčići, i hiti se na kotilo *trágoy*. Mriža ih poklopi i oni u nju inčitáju.

Čini se i *abrûm* (*abrumovât* ili *abrumât*); pospu se po moru kusići slone ribe na koju su ribe guloze, pok se u to (kad se nakupi ribe) spusti udica s jěškon.

2. Lovišća

Na ribe se gre onde di je najbojo páša, oli rekápit od ribe, oli di je kotôlo oli di je nojzgodnije za mrižu i za štajun.

Imena morskih položajih su ovi: *pûnta* i *puntîn* ili (kako niko selâ govoru, a i Hektorović u »Ribanju i ribarsken prigovaranju« menjuje) *bôd*; onda *rôt*, *račic*, *ratâc*; zatin *vála*, *válica*, *valôda*, *ûvala*, *bôk*, *bočlîc*, *pribôčak*, *pôrat*, *portlîc*, *tišćâc*, *ždrîlce*, *vróta* i *vrótca*. *Gandój* je sitno *ûvalica* mora u kopno.

Ča se sad govori škôj i škojíc (ne: škojić), prî se je sigurno govorilo otok, kako se razumi iz nikih vlastitih imen: Dobri otok. Sad se reče: Forski škoji, škojíc od Dûge, škojíc od Vloké, škojíc od lantérne. Onda dohodu: *grêben*, *sîka* i *sîkica*, *kosâ*, *plavâc* (to je *kámik* koji se dviže povar mora i pari da plivo na moru. Takov je jedon bi u Stinivoj pod Brusjen, ma ga ní već jer su ga zasuli drugin stinjen.) Rozlika izmeju nozivih je, ako se ne varon, da

škojíc imo na sebi ništo zemje i zelenila, dočin je grèben gol, a sïka je ispod mora, ma do prigode se povar mora ukóže. Bròk je brig u moru, a brok je i trova, p  ca ribe, a jer ona reste na brizima ispod mora, zovu i te brige ili muntanje br  c  . Uski priv  r s jednega mora na drugo zove se *vl  k  * (indi govoru: privlaka).

Pličina se mora zove *pl  š* ili *pli  chin  *. U dnu v  l (ili válih) i valic nahodi se ž  l   ili žalc   koje ako je krupno — zove se *grot  m*; ako je manje, onda je *pis  k*, a ako je sitno, onda se reče: *s  tno ž  l   ili jar  na*, a more bit i *salb  n* (*sarb  n*). S bondu vale su: *k  se*, *škr  pe*, *škr  pi*, *nj  se*, *rebr  *. Na dnu je mora obično *salb  n* po kojen je digod i *tr  v*, ma mogu bit kako i na kraju *nj  se*, *škr  pi*, *škr  pe* i *rebr  *, a mogu bit i *s  drine*, *sk  rsi* i *j  zera*, pače i *munt  nje* koje se zovu *br  c  *, kako smo ve   rekli.

Morske tr  ve u nos obično zovu jednin imenon *br  k*, ali znaju i za nika pojedine tr  ve. Ona *tr  v  * ča imo *b  bice* koje popucuju da ih se lipo čuje, zove se *p  calina*. Meku trouv zovu *m  hje*, a onu ča je odveć m  k   — *blitvur  na*. Jednu trouv po rovnu dnu mora zovu *rud  c*, a po salbunu *perj  * (ne: p  rje, jer je to na kokošima i éuškima), a onu plovu  u pri kr  jih trouv zovu *svilina*. Niko se trova, kako m  hovina, pet   uz dno broda, ma nimo drugega imena nego *tr  v  *.

3. Vrsti riba

Mi   emo navest naše ribe i razmistik ih prima njihovoj noravi i prima mišjenju naših riborih:

1. *Vele ribe*. Niki ribori govoru da se u moru nahodu nika *sir  ne*. Sigurno je pok da su se u naše more zali  ale ribe iz oceana: *r  ba bal  na* (indi se reče: kit) i *ulje  ura*. Niko godi  će se je jedna bila nasukala u Ždrilcima blizu Fora. Onda imomo *morsk  ga pas  *, ča je perikuloz za jude, a imomo i drugega *morsk  ga pas  * koji imo glovu kako ml  t, pok ga i zovu *ml  t*. Onda je *morsk   čov  k* oli *medv  d*. Kako govoru ribori, imo ih dvi vorsti, s ušima i prez ušiju. Napokon je — *dup  n*.

2. *Plovu  o* oli *pl  avo r  ba*, *r  ba od k  lfra*, *r  ba od m  se*: *t  nj*, *pol  nda* oli *palam  da*, *l  ica*, *g  f*, *l  uc*, *fil  n*, *tr  p*, *lok  rda* i *lokardica*, *sk  sa* i *skušajica*, *sard  la* i *sard  lica*, *min  c  n*, *  epa*, oli *sardel  n*, *jagl  ca*, *jagl  n* i *  nj  r*.

3. *Bilo r  ba*, *stargatnjo riba* (jer se *starg  * uz k  mik), *r  ba od škr  pe*, *r  ba od k  mika*: *jub  n* oli *lub  n*, *zub  tac*, *p  gar*, *kom  r  ca*, *lovr  ta* ili *podl  nica*, *tr  ja*, *arb  ni*, *tab  nja*, *bil  zna*, *škar  p  na*, *škar  p  n*, *k  rnja*, *fr  tar*, *p  c*, *  rag*, *manjam  rti*, *kav  la*, *s  lpa*, *u  šata*, *ov  a* ili *ov  ica*, *  keram* ili *j  ram*, *k  ntar*, *p  uk*, *mu  zikont*, *lun  erna*, *vr  na*, *dr  zak* ili *dr  zg*, *lumbr  k*, *  rnja* ili *  rnja  a*, *k  nj  c*, *p  rak*, *l  stovica*, *  p  r* ili *  par  c*, *c  pal*, *kov  c* ili *sanpj  r*, *tr  gaj*, *f  ga*, *gav  n* ili *ga  n* i *ga  n*, *m  nula*, *g  ra* i *g  rica* (mu  ski je: *o    k*, a žensko *sam  ca*), *knj  z* ili *gargur  u  a* ili *Gargur  ova r  ba*, *kr  ška*, *dugon  sica*, *b  lkva* i *b  lkvica* ili *bukv  n* ili *bat  j* i *batej  c*, *  icur  u  a*, *  u  n* (vorst *g  lic*), *hinj  ša*, *k  kot*, *  arnj  j* i *  ga* (ribor reče: Nison   apo ni   ge! — ča   e re  : ni  ta). Onda je i jedna *r  ba od k  lfra*, a otrovna je. Imo i jedna riba (poput šaranja) kojo imo sve *lustre* spojene kožicon. Niko je ovde ne poznaje. Jo son je nose petnaste godi   kupi i poslo u muzej u Split. Od muzeja je u »Novo doba« izo  a odgovor i re  eno njoj je ime i da je otrovna.

Sitno riba zajedno ulovjena zove se šij.
Ribice pren izlēžene, bīle, zovu se mlič.

4. Ribe jeguljaste: angūja (jegulja), ūgor (grūj), marīna (morīna), lamprīda ili okáтика (ima okolo vrota nikoliko rapic, kako da su oči, pok se barž zato i zove okáтика, a čapoje se — kako pijavica — njuškon za timun od broda.)

5. Murlūci: tovōr (oslić, murlūc, mōl), ugòtica i još jedna vorst harīnge.

6. Riba od rápe: glamđč, ugvāt (bába ili bōbāk) bīlāc, bezměk, porápnjok i slīnka.

7. Hlōndavina ili rība od dnā, divjō rība, rība od salbūnā: ráza, pās (ovo je trećo vorst), máška, hlīnka, gōlub, volīna, gardobīna ili hudobīna ili divjō škarpīna, mīsec ili tambūr ili torba, tarnjáča, rōmb, barákula, švōja ili līst, oštrūja ili gīra iz dubiné, sōkol ili sklōt, štorjún, sábja, miš i to divjī, onda šība i lampūga.

8. Mekušci: līgnja, sīpa, hobōtnica (muški je hōbot), mūzgovac, pistej, morski prōsāc i morski klobuk.

9. Raci: jástog, hlāp, rāk, vodenjók, kosmēj, škōmp, zēzalo, kūka, grancīgula (muški se zove bojdón, ča dohodi od bogdon), kanōća, šlo, konjíc, barbatürko, kōnjska čórno i čarnjēno, i jedon čarnjēni rāk — zvon rožnjōl, zatim križōlnica ili krížnjok ili morskō zvīzdā, onda ušenák ili po talijonsku pedđe.

10. Kornjače: veliko morskō žába (do stopedeset kil teška).

11. Škōlke ili šešlūke: mūšula, dátal oli párstac, lustūra, kūćica, koplito oli kopltnjok, kámenica (ðstriga), vēntula, ūho svetega Petra, lūpor, ježina ili jēž. Imo još šešlūrkih kojima se ne zno za ime.

12. Spūži: volāk, ugärc ili gärc, žábica, mīsec, bábica i īskra. Imo još dosta spužih i velik i molih, ma in se ime ne zno, a zovu se jednin imenon — spūž.

13. Kuráje: kurája, spūga, vlasīnica.

4. Život na brodu

Već smo rekli koju službu čini pojedino čejode na brodu, a sad ćemo ne somo spomenut nego i opisat jedon posebnj posol riborski, a to je kad se poteže lītnjo tráta i sa svićon. To je jedna zabava kačkovi je malo na moru, ma ne za onih koji se muču pri poslu, nego za onih koji to za divertimenat ol za kurijožitod gledoju.

Donkle, već je līto, i kad je mrōk, trate su ôrmone i brodi pripravjeni. Gospodor je noša družinu i stavi je je pod kumondu paruna. Ako je čo na mriži rasporeno ostalo, to se na barzu ruku zakárpi. Ako je mōst prišmárgla, onda se omosti u jusi od kórke ili u rūju. Kórka je kora od bora, a korku je dužan istuć i smarvit macavarijon — svićor. Rūj je stabolce: smarča, a ruj se zove i juha ili most od rujeva lišća. (Mriže vajo rujāt ili omōstīt da veće duraju.) Ako je mriža šporka oli natrovošena, onda se omorō (opere u moru), prōstre i osúši; a kad se osuši, onda se skupi i prinese na levut. U to se je uredila i svićarica (barkarici se ni potriba puno priprovjat i kad je sve gotovo, svićarica se parvo žuri jer je njoj parvoj red bit na pošti i svitlošću momit i okupljat ribu. Sriča sad za motore; ma prī kad se na vesla vozilo, kojo je to muka bila!

Za svićaricon gredu levut i barkarica svojin kōmodon, ali je potriba i od njih, ako se odma *akužđ* riba. Svi su *držzi* veseli, ako znaju da je riba okolo njihove pošte *barala* il baren *probarala*, *bōrě na škorupu činila* oli *igrala*, jer se tad nōdāju da će bit lova.

Kad je more ispod ferola počelo pīnit i još boje, kad su sardele iz mora počele ne somo *glavāt* nego se i *koparcāt* i k svići *mećāt*, tad svićor spusti *tōntul* i kako čovik praktik zno odma je l' ispod njega ribe i koliko je je. Kad razumi da je dosta ribe, onda zapovidi *šijōvcu* neka oprezno i pomnjivo vozi u valu. Tako se učini i na drugoj svićarici, ako su dvi. Tako gredu malo po malo unutra. A kad su došli na misto di se trata imo *zavārć*, onda se jedna svićarica primakne k drugoj i *prigosi* svoju sviću, a njejō riba poleti pod onu drugu sviću.

Sad je evo vrime da dojde u operu levut s *parunōn*. I jé. Levut, koji imo na škafu mrižu i družinu, polovicu družine *iskarcō* na jednu bondu vale, na krov, *dodó* njoj *ūzu* za potezonje, a oni svi imaju *krök* okolo posa i čapaju svi za *cimu*, a on pusti *parvū* u more za njima govoreć: Parvō *kolđ* u more, u ime Boga! S tin dilon družine iskarco *naukīrā* koji će gledot da mriža di ne zadije. Tad se odili od te bonde *sukājuć* mrižu priko vale za sobon, a *naukīr* prati *potezōnje* i pazi da ne bi zadila *parvō* ili se čo drugo ne bi dogodilo.

Kad je levut doša tako na drugu bondu vale, iskarco drugu polovicu družine na krov, dodó njin cimu i pusti *drugo kolđ* mriže ili *zōtēgu* u more govoreć: Drugo kolđ u more, u ime Boga! Na to družina stane potezat kromikan mrižu u valu, a parun na zotegi (kako naukir na parvoj) pazi da *zotēga* ne bi di *zadlla* ili njoj se čo nezgodno našilo.

Dok se sve ovo dogódjo, *barkir* je već pront nad *sinjōlōn*, koji je iznad sake, i pazi kruto pomnjivo da *sáka* bude otvorena uvik, da zjo, jer bi se inakije mogla dogodit dežgracija da sva riba *umákne*. Jer prí nego se je *zapásolo*, mogla se je riba *pristrášit* ili od dupina ili od žabe i *razbīgnut se*, ma ovde ní toliko stroha od tega nego od slaba *potezōnjo*. Zato on stojeć na sinjolu vidi kako saksa stoji, i prima temu na vas glos zapovido (zato vajo da imo tanak i zvonak glōs). Ako se poteže *dobrđ* i *jēdino*, onda viče: Tako lipo, tako dobro, u ime Boga! Ako zastaje družina na parvoj, onda viče: Parvo bōje, u ime Boga! Ako popostaje drugo, onda: Zatega boje, u ime Boga! — ili: Obe (ili obi) boje, u ime Boga! I ovakovi zazivi sve jedon za drugin. Vala sva u svitlosti od ferola odzvonjo u glušini noći i mroka zazivima *barkirā* i *rogobōron* družine. Ispod *svičála* (oli sad ispod *ferōlā*) novi, nevidjeni svit, nevidjeni život. Ispor škorupa zablišćuje ti oči kako srebarni veliki lancun vas u kretnji, a iz tega se meću povar mora i skaču k svitlosti sardele kako da će ništo na prišu čapăt, a ne čapoju ništa, nego ih svitlost na to priteže i osvoji.

Kad se je napokon mriža u valu i na *plīš dotégla*, parvō i zōtēga se sastale i na levut se prihitile, da ti je tad vidit tarkatónje, osobito kad se u saki vidi ribe ne na *kvintōlē*, nego na *brode!* Niki poteže, niki skupjo konope, niki mōhū, jedon grabi šájcen, drugi grabi rukami navlastito, ako je kojo lipjo riba i bojo od sardele. Razumi se da je veće putih radi tega rūgā po gazētu. U ovoj prigodi ne somo družina nego i nepozvoni gosti uguraju se

u tu vrevu i *kanjūšu*, a to će reć — krodu potajno i skrivaju ukradjenu ribu, oli *gredu* u *kanjūš*, pok se zato i zovu: *kanjūšori*.

Kod plivaricih ni ovako zanimivo.

Dilj rribjega tīla su: *glōvā*, *rēp*, *mūja*, *mēso*, *trōci*, *kōst* (recmo: u *sīpi*), *zūbi*, *pōrēcāc* (žejudac u hobotničinoj muji), *črīvā* ili *ventrōm*, *sīme* ili *butōrga*, *brōnče*, *jūsta* ili *rīlo* ili *čūnka* ili *nōs*, *hrelā* (peraje), *velo drāča* (u *škīnima*) i *drāče* (to su sve ostale kosti), *lūstre*, *čūpcī* na hobotnici, *čarnīlo* u njoj i u drugin *mekūscima*. Trīja imo *bárke*, a *bárci* se zovu i *rōzi* na jastogu i hlapu.

Vajo reć i obo jiću dvī. Počet čemo ováko: Ako je ribor *lavūrō* cilu noć, onda u jutro ništo izí, ali bokun kruha i dvi sardele iz mora pečene na róžnju, pok to zalije kápjon vinā. Ako je obišno *trudī* po noći, onda okolo devet urih *rúčo* (*marendō* ili *učini marēndu*) i *obôdvo* zajedno i tad jī *brujēta* ili *pečēne rībe* i bome — napije se. Iza tega ide na počinak. A na četiri pet urih po podne, kad se probúdi, vázme ništo za ūžinu. A u sūnac zōpōd večero ribe, obišno lešo.

Riba se parćeje na različite noćine: *kūhona*, *frīgona*, *pečenā*, na *brujēt*, na *gregōdu*, *marinōna* oli u *savūr*, *samaštrōna*, na *šūfigu*, *indorōna*, po žeravi potrūsena, *živā* i posoljena. A imo i *rībjo jūhā*. — Napomenut je da se sve ribe ne mogu jednoko parćat, nego nojpri prima *vōrsti* i prima *štajjuni* (jer niko se se riba *akužō* liti niko zīmi), a onda i *prima mīstu*, jer niko je u kráju, niko žive u *kūlfū* po *brōcīma* oli po *dnū*. Ma nojveće se parćeje prima vorsti:

1. *kūhona* ili *lešo* (vórena na vodi i onda začinjenă): *būkva*, *zubátac*, *komôrča*, *jubīn*, *lovráta*, *arbún*, *kovóč* i svako *rība* od *kámika*.

2. *frīgona* na uju, a za frigonje je zgodna *trīja*, *skūša*, *lokōrda*, *gīra*, *polōnda* i liti sardēla. (U drugin mistima i *tūnj*, i to se slogo u limene škatule i potrusijě zōrnima od pápra i šaje u targovinu.)

3. *pečenā*. Za ovo je zgodna *trīja*, velo *būkva*, *gīra*, *skūša*, *lokōrda*, *sōlpa*, *trágaj*, *pančēta* od *ugora*, a liti sardēla. Po pečenki se maže ūje i papōr. Nojguštozijo je riba *pečenā* na róžnju, manje na gradíkuloh.

4. Na *brujēt* se parćeje: *sardēla*, *būkva*, a navlastito *ūgor*, *škarpiňa* i *līgnja*. Zočin je brujetu kvasiňa, uje od masline, a ako tekućina izavre, dodo se još vode, i kad je grozjo, hiti se u tēču ili *lopīžu* malo izgnjećena grōzjo i nefaljeno za miris se stavi metvice (»menta piperita«). Riborski *brujet* ili *brujet po riborsku* se čini tako da se ne stovjo u tēču *pōfriga* ili drugi zočin pok onda riba, nego se sve zajedno slōži i vóri (kūho).

5. *Gregōda* — to je brujet bez kvasine. (Brujet i gregoda mogu se učinit i od šešūrkih, lūporih i spūžih. Lučani to zovu: *pōpara*.) — Dogodilo se i to da ribori kad ne bi imali ribe, da bi za nevoju učinili brujet oli gregodu od stínjo na kojemu je broka ili drugih trov. U juhu od tega moći se kruh, i čini se riboru da ribu jī.

6. *Rība marinōno* ili u *savūr* se pofrigo, pok se stavi uje i kvasina i navisi se na ogonj da malo uzávre ili boje: *prōvre u temu*, a onda se stavi malo liščo od *zimoráda* (ružmarína) i česnòviti lük, pok se jī tad ili kašnje.

7. *Riba se samaštrōjě* (a za to more služit svako riba) ovako: očisti se, pače se i ogúli, di je potriba, pok se posolj i dobro *zalūči* česnòvitin lükon

i stavi se pod kárag da iscidi iz nje karvina za koji don, onda se osuši na dimu i na suncu, pok se more jist kad ni friške ribe.

8. Na šufigu se parćeje riba — a to nojveće divjô rîba, hlôndavina — samaštrôna i osúšena: Učini se pðfriga, pok se na to stavi riba i obišno kompiri i nadodoje se voda da oblîjë svu masu, i tako vre i šufigoje se. Nojfinijo je šufiga bakalora *ala kapucina* (»alla capucina«). Stavi se u tu masu (osin drugega) bilega grozja. I na pokrivu se uvik darži živo žeráva. I to se tako fino šusigô i guštozo izjode da je za lizat párste od tega.

9. Indorôno se riba parćeje kad se bilin brašnon *natrúsi* i *frigo* (kako — recmo — gîrice) ili se umoči u bilo brašno izmišono s jojima i tako se frigo na úju ili na môsti.

10. Po žeravi potrušena je riba kad se ulovi (i to obično) girica ili drugo sitno ribica i nimô se čo drugo tad jist. Onda se povárže po živoj žeravi i kad se somo *smûri*, onda je ribori natiču na zaoštrene pálice ili parstima grábu (zato se reče po talijonsku da je to »škota dei« — opari parste), umôkaju ù sol i jídù.

11. Živa se jí riba i to ne svako, nego: *kônska*, *lûpor* i *kámenica* oli *ôstriga*. Ma te se stvori parcójü i na druge nočine, navlastito na brujet ili frigono (konjska).

12. Nojveće se pok riba *sól* i šaje u targovinu, a to u parven redu *sardèla* i *lokôrda*, a prodoju se posoljeni i *čarnjéj* i *gîrice*.

13. Rîbjo juhâ. Niki mislu da je slajo većo riba od mole. Ma i od sitne ribe, pok i od one lošije vorsti, more se dobro najist. Od tega učinu *ribju juhu*: tu ribu kuhoju i kuhoju dokli se sve meso ne raskuho i pretvori u tekuću kášu. Onda na temu iskûhoju rîzi ili čo drugo.

Riba se parcójë u *sûdîma*, a peče se na *róžnju* i (manje) na gradikulima.

Zanimon je riborih. Za vrime liša kad ní *mrôk* nego *mîsečina* i kad su ribori slobodni, onda *kárpu* mriže, *rédu* feról, parćeju i tuku kórkú macavaríjima ili isto tako smarču, iz koje se čini rúj, a jedno i drugo služi za *mošćenje mrîž*, a i konopih. Pri se je cípala borivina za luč, a ti posol je pripadol svićôrû.

Razgovori se meu riborima vodu osobito obo *rîbaršćini*; kako su pasali noć; koliko su ulovili i di su ulovili drugi ribori i tako redon. Provajaju pritâče od starine i od svojih doživljiojih osobito na moru i kakova su bila pri vrimena prima sadašnjin. Govori se o dogodjajima po svitû i u nos. Nojveće se govori obo interesu, ma uza sve to umiju *zaigrât na kôrte*, a mladost o jubavi progovorit.

Puno bi se itilo da se opiše sve kako ribori nagodjaju vrime po súncu, mîsecu, vitrima i zvizdîma i drugim sinjôllima. Zato ćemo sad pasat priko tega i iznit koju *gójčicu*, *prítâč* i *poslòvicu* obo moru i obo ribi, a moremo i koju klétvu.

O vrimenu se govori, izmeju drugih, i ovo: *Ako sîčanj ne isîčë, a vejáča ne izvojùje, onda márač opakùje*. — Znomo da je sičanj studen, zato se i govori ne somo: *do Božića sîto i lîto*, *a po Božiću hlôdno i glôdno* — i: *do Božića zêja*, *a po Božiću lêđja* (skupno ime za: led) — i: *do Božića Krajjeviću Márko*, *a po Božiću jao moja môjko* — nego se govori i: *križ ù vodu* (Vodokáršće), *led ù zemju*. Za vejaču, žensku privarćive éudi, zno se da imo

nestanovito i grubo vrimenä. Márač je karvopljac koji nosi tri vèle bùre (na 7, 17 i 27) i trideset molih. A »bùra je čisto ženä« i nakon tega učini lipo vrime. Ma i ako marač marči, bačva skvarči. Somo su ubojita tri njegova zajmëno, a zajmeni su parvo tri dneva u môrču. A kako je do tega došlo, sad éu von prövjät:

Gоворила је у planinì storo bába čobanica да је лако зо нје и за нјеje mledo blago u planinì kad umakne onoj vejači — kûrvi rogáči. Doznela је за то vejača i kruto se је на ту риč uvridila i zaklèla se је да ће се osvètit storoj bábi u planinì.

*Zatô je zajóla
u bráta Môrka (to je marač)
tri bilo dônka,
da pokosi stóroj bábi
sve teliče pomukôvčíče
i kozliče pobekôvčíče
i jančiče poskokôvčíče
i da stóroj bábi ociri zûbe.*

Tako је pomela i stóru bábu i нјеje mlôdo blôgo. — I to su tri zajmëno (dneva) i svak ih sa strohon dočiko i boji jih se.

Spominju se za zimu tri sidobrôdca: Antlć, Fabić i Vicić koji donesu snig; a ako ne oni, onda Kondà, Dôrë i Pôlë (to su sveci priko zime; tako je Konda: Kandalôra). A umiju učinit svoju i pujiške višcice športkûje koje narènu i nagórnu iz Pûje puno sniga; ma kad se rešelvîju Vlasi (Zagora), onda su oni obišno jáčji i pridobiju pujiške višcice.

Reče se i: Ù pol vijáče, lozà pláče, a ù pol môrča — pùpkak vônka. — Kandalôra zimâ fôra, a kosići priko môra, a govđri sveti Bjož da to nî istina, nego lož; a dohodi sveti Benedikt i govori da vajo vidit, ča će bit. — Prî će falit tri sidlnove brode nego tri môrčine bùre, — Imo ih i talijônskih: San Viçêncio grân fredûra (a то је 22. sîčnja), san Lorêncio grân kaldûra (a то је 10. agûsta); — Kvattro aprilânti, kvarânta jôrni durânti: — Mârco šûto, aprûl banjâ, beâto ki a semind; — Rôso di sêra — bel têmpo si spêra.

Reče se i ovo: April imo trideset don, a da imo tredeset i jedon don i da svaki don pado dôrž, ne bi priveć bilo. — Na Gospu Luncijôtu (a то је на 25. môrča) da volu rog dorž poškropi, još je dobro. — Pojičani su rekli Mlečicima da njima veće vajo Jurjeva kiša (23. aprila) nego sve njihovo (mletaško) blago.

Pasojmo sad malo i nà more. Reče se: Fól mi môre, a dorž se krája. — Môre môre. — Máterino je sárce vèliko (dubokò) kako môre. — Ko bi sve more izmiril. — Ni u môru mûre ni u Vlahu vire. — Ne bi ga sve more ôprolo (od nepošténjo). — Nikomu ôlovo plîvo, a nikomu i putò tâne. — Mat bi sve more priplivola za svoje rojénje, za svoje dítě. — Sve mu gre, pûše u karmû. — Pûše mu u prövu. — Imo siku da prova.

Hoćemo li malo i o ribi? Reče se: Velo riba molu ji. — Od glové riba smardi. — Bärz je kako rîba. — Glûh je kako rîba. — Čarnjén je kako râk; kako škarpiña. — Máška bi itila ribe, ma ù more néće. — Pôžudan je na

rību kako máška. — Krūh iz peći, mēso ispod kòže, a rība iz mora (nojbojo je). — Ne zno ča je pīrak, a ča je kōnjāc. — Nábo bi se nō nje kako na škarpūnā. — Stoji kako pistéj (nemarno, nehajno). — Pun je ričih kako sôlpa gôvon. — Záspo je kako na pečenoj vrani. — Nojglùpji je kōnjāc za ulovit se na udicu. — Ča ée gîra zubácu? — Komíško sardëla imo dvî glôve (kad ulove, govoru dvostruko nego je). — Ono ti je cîpal od pôrta (berekin). — Ono ti je hlôndavina (čejode obišeno, nêhojno). — Čapô se je u vôršu; u sâku. — Čapô se je na môtû kako hobòtnica. — Kako da je izmáka iz parangôlã. — Debel je kako dupin. — Púše kako dupin. — Môkar je kako sîpa. — Zoč máška ne jí glôvu od barbûnâ (triye)? — Ni hobòtnica rîba ni Bročáni jâdu. — To ti je kriposno kako juha od hobòtnice (ironiški rečeno). — Sitan je kako iga. — Nison čapo ni lüstre. — Neéce ni môre karðnju.

Moremo spomenut i koju klétvu: Môre te izìlo. — Môre te sínje izìlo. — Môre te izìlo i progućalo. — Môre te na moje oči izìlo. — Morskë te dûbine uživâle. — Môre te òprolo (u šali). — Môre te svártolo i privártolo. — Môre te na kroj izmèçolo. — Môre s tòbon obo krôj tüklo. — Jednèga se krája molô, a drûgega se ne čapô. — Rîbe u tèbi gnjîzdô činâle. — Hobòtnice u tèbi gnjîzdô činâle.

Na kraju nadodojmo i koju góñčicu (gójčicu, a to će reć »gatčicu«) i prítâč o moru i obo ribi.

MIKLÓŠE

U vali Stinivoj ispod Brusjo nahodi se starinâ prima suncu okružena kosámi, a zove se Miklôševica. Pripovido 'se i kože se jedna spila u kojoj da je živí, a drugo u kojoj da je peka kruh — Miklôše. Hodí je ti čudni čovik kojemu se nî znalo za rod ni za porod, hodi je i na rîbe. I uvik je rîbe čapovô. A tu mu je rîbu naginjo — morski čovik, šcak iza škoja svetega Andrije (iza Sveca). Ma pod kondicjun da nimo nikomu to reć. A Mikloše je njemu svaku večer po karmi od borke dovo dil od večere. I tako je sve lipo hodilo. Ma eto dogodilo se da Mikloše nî doržo do kraja besidu, nego je nikomu objeda da mu morski čovik rîbu dovido. Na to se je morski čovik teško uvridi i zaprili Mikloši. I on se je, pòbora, pristrashi; istega ti je brod na kroj, spravi mriže, vase surlicu i surlikajuć izlojo iz vale. Ma nikad se ni znalo kud je iša, kako se nî ni znalo okle je doša ti čudni čovik.

MATERINSKO JUBOV

Sad éu von provyat jednu obo dupinu, ča je meni provjo moj pokojni otac koji je tote bi: — Brusje je imalo mrižu dupinoru za lovit dupine koji su njin i strašili rîbu i kidoli budele. Dosta su ih tako ulovili i nosili na prodaju u Komižu di su ih slolko jili.

Jedon put su po običaju vargli ništo store mrižetine bližje žola u Stinivoj. I kad je ništo rîbe inčitalo, zaleti ti se u valu jedon dupin sa dvo mlodo. Bila je to siguro žensko, mât njihova. Ribarice borke su stole atento — i zapasole valu. I da ne bi dupin priko pút priskoči, sve su se jedna do druge pore-

dale priko vale i podvigte sva putā u višinu. Ma hoćeš vidit: dupin, koji je šurlito desno livo, noša je prigodu i — priskoči je vonka. Ma vidi on da su mu dvo mledo u zōpăšu; skoči ti jepet nose, čapa jednega, čapa drugega molega na nos i s njima priko pút; a u zodnju i on za njima i nàruga se svima riborima, na.

M O R E M O R E

Za mojih mlajih dón putovo son s Topičevin vaporon »Vitez«. Na njemu je bi za kapitona Vukelić. Nismo se nego privezali u Jelsi za kolone, eto ti jednega Podgoranina, koji je ti čas friškon buron dojidril u porat, di zapihon tarči ki kapitonu:

— Gospodine, brzo, brzo upomoć! Jedna barka prima Braču se topi.
— A zašto joj ti nisi skočio upomoć?

— Jesam, gospodine; kad sam je vidio, naletio na nju i bacio konop, ali konop nije barku dohvatio, a mene je bura otisnula da nisam mogao natrag ni pogledati.

Na kapitonovu zapovid mornori su odma oddili cime, a Podgoranin se ukarco s non. Izošli smo iz porta i hajde puten kud je kaživot Podgoranin. Idemo mi, idemo i to dosta vrimena, ma ne vidimo ništa. Kad borme u niko doba, kako da na moru vidimo jednu čornu piknju kako da je gravron. Kad još bližje, vidi se pod moren borka s golin orburon, a orbur je zagarlila jedna žensko napol mortva, a na škafu kleči i sklopo ruke prima nami jedon muški. A po njima mloti bura i bje more i studen kako usrid sve zime, a bilo je to usrid lita, na treći agusta.

Kad smo se mi borci primakli, kapiton nî iša dreto, nego je paso mimo borku i stavi se je na buru, neka ga bura nanese na borku, inakije bí bi teško do borke doša! — Kad je čovik na škafu to vidi, misli je da će vapor naprid, i poče ti je još veće vikat, sklopiti ruke i pružat jih prima nami. Mi smo mu dovali sinjole da čemo k njemu, ča je on u krolko i vidil. — Kad je donkle vapor k gajeti doša, mornori su spuštili kajić, čapali borku u remurć, a čovika i ženu prihitili na vapor. Doli si njin priobuku i pokripu. Bili su iz Varbojske. Žena je bila kako ubijena, a muž njon se dobro doržo. I provjo non je kako je hodi u Sumartin prodrovat frute i dviga se ujutro i ni misli da će bit zla. Uto ga je u tren oka čapala friško bura i izvornula ga sa svin jidron. I morsko mu dubina izila storega tasta i punicu, a dvo sina od desetak godišć je zagarlil i u naručju doržol, a more ih je bilo i vitar — tako da mu je nojpri jedon na rukoh priminul, i more mu ga odnilo, a drugi se je još doržol, ma i on je izdahal. I otac ga je pod škaf mortva stavil (brod se je bil jepeta uspravil). — Apunto, obroti se je jedon put mornorima, i »izvadite mi«, reče, »mortvo dite ispod škofa da njega baren pokopon, kad nison druge.« I mornori su odma poslušoli, pružili ganjač da ga čapaju, a uto je vapor zarolol i mortvo ti je tilo kako na svu prišu izletilo u dubinu, na ...

Čovik je bi stori mornarina i dobro se je doržol, a žena mu je bila dobila upalu, ali je ostala živa.

B I L J E Š K E

Ova je radnja napisana g. 1950. u povodu »Naputka za sakupljanje narodnih pomorskih naziva«, koji je u posebnoj brošuri štampao Jadranski institut JAZU u Zagrebu.

Građa se odnosi na područje hvarske općine, koja je u to vrijeme obuhvaćala grad Hvar te sela: Brusje, Velo Grablje, Malo Grablje i Zaraće.

Autor don Juraj Dulčić radio se u Brusju g. 1875., gdje je blizu 27 godina župnikovao, a umro je g. 1957. Poslije Brusja službovao je i živio u Hvaru. Mnogo se bavio jezikom rodnog kraja i sakupljanjem narodnog blaga, ali je dobar dio toga ostao u rukopisu. Ovu je radnju napisao govorom sela Brusja. (Jedino su naslovi i podnaslovi — osim tri zadnja — i dijalog u posljednjoj crtici pisani književnim jezikom.)

Uz ovu radnju napisao je slijedeću bilješku o govoru otoka Hvara:

»Glavna je osobina u mjestima otoka Hvara (osim Sućurja), što govore čakavštinom (u Hvaru gradu cakavštinom). U instrumentalu reku *n* mjesto *m*. Dugo *ā* izgovaraju kao *o*, npr. *móli*, *stóri*, *mlódi* (u Vrbanja a izgovaraju kao dvoglas *ao*, *maoli*, *staori*, *mlaodi*, a nešto ovako zateže Svirče i Vrisnik). U Starom Gradu čisto *o* izgovaraju diftongom *uo*, npr. *bruod*, *Duomă* (a to u Komiži na Visu izgovaraju kao čisto *u*, npr. *brúd*, *Dumă*, *postúl*). Još Stari Grad e izgovara čisto *ie*, a Dol, Vrboska i Jelsa nešto manje, npr. pet izgovaraju piet, šest. Zubne *d* i *t* izgovaraju kao *l*, npr. polkova, polpis, samo Grablje Velo i Malo, Zastražišće, Gdinj i Bogomolja izgovaraju: pojkova, pojpis, oj pri, poj stol. Pretežno, navlaš mlađi, ispuštaju *l* na kraju participa prošloga drugog, npr. piso je, doša je. U trećem licu prezenta plurala gotovo svi mlađi govore na *du*, npr. govoridu, pušidu. Grad Hvar mijesha *c*, *s*, *z*.«

Pri objavlјivanju ovog rukopisa sačuvane su sve karakteristike originala. Naročito akcenti, od kojih pisac upotrebljava četiri. Pisac uz kratki brzi (") rabi i kratki spori (') jer smatra da u čakavštini još uvijek i on živi. Pisac također smatra da još živi i uzlazni akcenat, pa ga je u ovom rukopisu upotrijebio i izjednačio s akutom.

Za sakupljanje ovdje iznesene građe autor se u prvom redu oslaniao na vlastito znanje i istraživanje prvenstveno u rodnom mjestu, a zatim i u ostalim mjestima općine. Za imena ribarskih predmeta poslužio se i fotografijama s napisima koje mu je stavila na raspolaganje hvarska obitelj Kasandrić. »Za nazive dijelova i opreme manjih brodova«, piše. »bili su mi svojim znanjem pri ruci braća Ante i Ive Bilić pk. Vjekoslava iz Hvara; za ribe, mreže i ribanje Marko Vučetić pk. Ante, nadimkom Vuna, a Karmelo Dužević pk. Ante, brodograditelj, za gradnju i opremu malih i velikih brodova.« O njima je autor napisao ovo:

1. Ante Bilić rođen je u Hvaru 20. VII 1899. Ribar je po rodu. Za mlađih godina putovao je nešto po svijetu parobrodima duge plovidbe. Sada ribari malim mrežama.

2. Ive Bilić, brat Antunov, rodio se u Hvaru 27. I 1912. Za mlađih dana bavio se ribarstvom. Sad se bavi postolarskim zanatom.

3. Marko Vučetić-Vuna pk. Ante radio se također u Hvaru od ribarske obitelji 27. VI 1888. Bavi se uvijek, i dandanas, ribarštinom. Zbog bistrine uma i vještine u zanatu bile su mu povjerene razne časne službe u gradu.

4. Karmel Dužević pk. Ante (djed mu je bio iz Dola na Hvaru) radio se 5. II 1911. u Korčuli gdje je izučio stručnu brodograditeljsku školu. Nakon toga putovao je brodovima duge plovidbe kao mornar, a kasnije kao brodarski majstor. Iza toga bio je u drugom svjetskom ratu, a onda radio na brodogradilištu u Splitu, dok nije dobio samostalan obrt te radio dalje u Visu, Komiži i Korčuli i napokon lani ovdje u Hvaru. Dobar je poznavalac svoje struke.